

(প্রেস বিজ্ঞপ্তি)

২৭ মার্চ ২০২৪খ্রি.

**পূর্ব মাদারবাড়িতে ৮০০ পরিবারের মাঝে ঈদ উপহার সামগ্রী বিতরণ**

পবিত্র মাহে রমজান উপলক্ষে পূর্ব মাদারবাড়ি ওয়ার্ড কাউন্সিলর আতাউল্লাহ চৌধুরীর ব্যক্তিগত উদ্যোগে ৮০০ পরিবারের মাঝে উপহার ঈদ সামগ্রী বিতরণ অনুষ্ঠান আজিম কনভেনশন সেন্টারে বুধবার সকালে অনুষ্ঠিত হয়েছে। কাউন্সিলর আতাউল্লাহ চৌধুরী#৩৯;র সভাপতিত্বে এতে প্রধান অতিথি ছিলেন চট্টগ্রাম সিটি মেয়র বীর মুক্তিযোদ্ধা রেজাউল করিম চৌধুরী। এসময় আরো উপস্থিত ছিলেন চট্টগ্রাম মহানগর আওয়ামী লীগের বন ও পরিবেশ বিষয়ক সম্পাদক মশিউর রহমান চৌধুরী, সাবেক প্যানেল মেয়র নিছার উদ্দিন আহমেদ মঞ্জু, কাউন্সিলর গোলাম মোহাম্মদ জোবায়ের, চট্টগ্রাম মহানগর যুবলীগের সভাপতি মাহবুবুল হক সুমন, ওয়ার্ড আওয়ামী লীগের সভাপতি সালাউদ্দিন ইবনে আহমদ, ওয়ার্ড আওয়ামী লীগের সাধারণ সম্পাদক মুজিবুল হক পিয়ারু, রেখা আলম চৌধুরী, রুহুল আমিন তপন, আবদুল মান্নান, পংকজ বৈদ্য সুজন, মনজুর খাঁন, আবু সৈয়দ মাহমুদসহ ওয়ার্ড আওয়ামী লীগ, যুবলীগ, ছাত্রলীগ ও মহিলা আওয়ামী লীগ নেতৃবৃন্দ। এসময় মেয়র বলেন, মাহে রমজান আল্লাহর অশেষ নিয়ামতের মধ্য অন্যতম বিশেষ নিয়ামত। এই মাগফেরাতের মাসে আত্ম-সংযম ও সিয়াম সাধনায় নিজেকে শতভাগ আল্লাহর ইবাদতে নিয়োজিত করতে হবে এবং এলাকার দুঃস্থ ও অসহায় মানুষের পাশে বিভবান সকলে এগিয়ে আসতে হবে।

**চসিকের ভ্রাম্যমাণ আদালত  
রাস্তা ও ফুটপাথ দখল করায় ৪ ব্যক্তিকে  
১৮ হাজার টাকা জরিমানা**

চট্টগ্রাম সিটি কর্পোরেশনের নির্বাহী ম্যাজিস্ট্রেট চৈতী সর্ববিদ্যা আজ নগরীতে মোবাইল কোর্ট পরিচালনা করেন। মোবাইল কোর্ট পরিচালনাকালে নগরীর চান্দগাঁও থানাধীন শাহ আমানত সেতু সড়কের এক কিলোমিটার এলাকায় রাস্তা ও ফুটপাথ দখল করে বিক্রির জন্য কাঠস্তুপ করে চলাচলের প্রতিবন্ধকতা সৃষ্টির দায়ে ৪ ব্যক্তির বিরুদ্ধে মামলা রুজুপূর্বক ১৮ হাজার টাকা জরিমানা আদায় করা হয়। অভিযানকালে সিটি কর্পোরেশনের সংশ্লিষ্ট বিভাগের কর্মকর্তা-কর্মচারী ও চট্টগ্রাম মেট্রোপলিটন পুলিশ ম্যাজিস্ট্রেটকে সহায়তা প্রদান করেন।

স্বাক্ষরিত/-

(আজিজ আহমদ)

জনসংযোগ অফিসার কাম প্রটোকল অফিসার

চট্টগ্রাম সিটি কর্পোরেশন।

মোবাইল-০১৮১৯-৯৩০ ৪৮৮